



## **ŠPD "UNSKO-SANSKE ŠUME" d.o.o. Bosanska Krupa, Radnička bb**

Tel: +387 37 473-668      Identifikacioni broj: 4263074140004  
         +387 37 473-669      Porezni broj: 11071044  
Fax: +387 37 473-671      E-mail: kontakt@ussume.ba  
                                              Web: www.ussume.ba

### **ŠTA JE CERTIFICIRANJE GOSPODARENJA ŠUMSKIM RESURSIMA?**

Certificiranje je relativno nov koncept unaprijeđenja kvaliteta gospodarenja šumskim resursima koji se u potpunosti zasniva na principu dobrovoljnosti. Smisao bilo kojeg oblika certificiranja sastoji se u obezbjeđivanju potvrde da je nešto (proizvod, usluga ili proces) urađeno na propisan način.

Pod certificiranjem gospodarenja šumskim resursima podrazumjeva se procedura, u kojoj neovisna institucija za certificiranje izdaje preduzeću šumarstva pismenu potvrdu – certifikat, da su performanse gospodarenja koje se provode na određenom šumskom području, usklađene sa unaprijed definiranim, međunarodno priznatim standardima.

### **ŠTA SE POSTIŽE CERTIFICIRANJEM GOSPODARENJA ŠUMSKIM RESURSIMA?**

Dva su ključna efekta koji se postižu certificiranjem gospodarenja šumskim resursima:

- Unaprijeđenje performansi poslovanja, sa ciljem dostizanja održivog gospodarenja šumskim resursima.
- Povećanje konkurentskih sposobnosti poduzeća šumarstva kroz očuvanje stabilne pozicije na postojećim i bolji pristup novim i atraktivnim tržištima.

Pored navedenih efekata, certificiranjem se postiže transparentnost poslovanja šumarskih poduzeća i unapređuju odnosi sa javnošću, poslovnim partnerima, krajnjim kupcima i ostalim interesnim grupama. Proizvodi koji potiču iz šuma u kojima su performanse gospodarenja certificirane kao održive, označavaju se na jedinstven i prepoznatljiv način tako da ih krajnji potrošači mogu uočiti, razlikovati i kupiti.

**Šumsko privredno društvo „UNSKO-SANSKE ŠUME“ se opredjelilo da na ŠGP „Ključko“ uskladi sve aktivnosti gospodarenja šumskim resursima sa principima i kriterijima međunarodno priznatog programa certificiranja FSC (Forest Stewardship Council), kao prvu fazu certificiranja državnih šuma na području Unsko-sanskog kantona.**

### **ŠTA JE FOREST STEWARDSHIP COUNCIL I STANDARDI FSC?**

FSC je međunarodno tijelo koje pojedinim institucijama za certificiranje daje dozvolu za izdavanje FSC certifikata i na taj način garantuju autentičnost njihovih nalaza. Cilj FSC programa je da promovira ekološki odgovorno, društveno korisno i ekonomski održivo gospodarenje šumskim resursima. Certificiranje po FSC programu podrazumjeva zadovoljavanje unaprijed definiranih standarda održivog gospodarenja šumama. FSC standardi su eksplicitno izraženi u formi principa i kriterija, čija primjena podrazumjeva poštivanje državnih i međunarodnih zakona i odredbi.

<u>Princip 1</u> Poštivanje zakona i FSC principa i kriterija	Gospodarenje šumskim resursima mora poštivati sve primjenjive zakone države u kojoj djeluje, međunarodne ugovore i sporazume koje je država potpisala, kao i FSC Principe i Kriterije.
<u>Princip 2</u> Prava i odgovornosti vlasništva i korištenja	Dugoročna prava vlasništva i korištenja šumskih resursa i šumskog zemljišta moraju biti jasno definirana, dokumentirana i zakonski ustanovljena.
<u>Princip 3</u> Prava autohtonog stanovništva	Moraju se prepoznati i poštivati zakonska i običajna prava autohtonog stanovništva da posjeduje, koristi i upravlja svojim zemljištem, područjem i resursima.
<u>Princip 4</u> Odnosi sa zajednicom i prava radnika	Aktivnosti gospodarenja šumom moraju dugoročno održavati i unapređivati socijalnu i ekonomsko blagostanje šumskih radnika i lokalne zajednice.
<u>Princip 5</u> Koristi od šume	Aktivnosti gospodarenja morju podsticati efikasno korištenje višestuki proizvoda i usluga šume kako bi se osigurala ekonomska održivost i široki spektar ekoloških i socioloških koristi.
<u>Princip 6</u> Uticaj na okoliš	Gospodarenja šumom mora očuvati biološku raznovrsnost i s njom povezane vrijednosti, vodne resurse, tlo i jedinstvene i osjetljive ekosisteme i pejzaže, te time održati ekološke funkcije i cjelovitost šume.
<u>Princip 7</u> Šumsko gospodarska osnova (plan gospodarenja)	Šumsko gospodarska osnova prilagođena nivou i intenzitetu aktivnosti, mora biti donešena, implemetirana i ažurirana. Dugoročni ciljevi gospodarenja i sredstava za njihovo postizanje moraju biti jasno naznačeni.
<u>Princip 8</u> Nadzor i procjena	Potrebno je vršiti nadzor koji odgovara nivou i intenzitetu gospodarenja radi procjene stanja šume, prinosa šumskih proizvoda, nadzornog lanca, aktivnosti gospodarenja njihovog sociološkog i ekološkog uticaja.
<u>Princip 9</u> Održavanje visokovrijednih zaštićenih šuma	Aktivnosti gospodarenja u visokovrijednim zaštićenim šumama morju održavati ili poboljšavati karakteristike koje ih definišu. Odluke u vezi sa visokovrijednim zaštićenim šumama moraju se uvijek razmatrati sa dozom opreza.
<u>Princip 10</u> Plantaže	Plantaže treba planirati i njima upravljati u skladu sa Principima i Kriterijima 1-9 i Principom 10 i njegovim kriterijima. Budući da plantaže mogu dati niz socioloških i ekonomskih koristi i mogu doprinijeti zadovoljavanju potreba za proizvodima šumarstva, trebaju se koristiti za dopunu gospodarenja, smanjivanju pritiska i promoviranje obnavljanja i zaštite prirodnih šuma.

**Šumsko privredno društvo „UNSKO-SANSKE ŠUME“ na ovaj način obavještava sve svoje uposlenike kao i ostale zainteresirane strane da će u narednom periodu provoditi aktivnosti certificiranja gospodarenja šumskim resursima na području ŠPP „Ključko“ Šumarija „Ključ“, te da će neovisna intitucija za certificiranje obavljati procjenu svih dokumenata, procedura i aktivnosti koje se odnose na gospodarenje šumskim resursima.**